

誦此章即乘碧霞之輦而遊玉隆之天也
惡爽无品洞妙自真

八字梵度天隱語惡爽者天王内名无者
太无真人受天王之符度長夜之魂品者
品量幽魂之罪福洞者洞明宿對妙者妙
化之堂也言人宿對既解乃昇入妙化之
堂自真者自然與大道而合真矣人誦此
章則宿對開明昇入妙化
元梵恢漠幽寂度人

八字寶爽天隱語元梵者元始大梵之悉
恢漠者廣而難度冥而難見幽号寂号不
可名狀度人者此靈音普度天人也人誦
此章即超出三界宰制諸天已上四天
為龍及天
右北方五炁玄天自然玉宇

道言此諸天中大梵隱語无量之音舊文字
皆廣長一丈天真皇人昔書其文以為正音
元始觀梵系流注之餘合而成之字皆周
回一丈每八字為一天炁之根凡諸天劫
運成毀亦由字之散合雖高聖亦莫曉其
字乃命皇人書為正音然後天仙乃得識

其文也

有知其音能齋而誦之者諸天皆遣飛天神
王下觀其身書其功勤上奏諸天萬神朝禮
地祇侍門大勳魔王保舉上仙道備冠得遊
行三界昇入金門

此音乃梵炁所結秘隱之文上以保鎮天
度下以拔濟苦爽誠為无量正音齋誦之
則神王下觀俟有功勳則感魔王保舉及
道金備則證入仙品

此音无所不辟无所不禳无所不度无所不
成天真自然之音也

道君再稱述正音功德可以辟邪穢災度
世成真皆此天真靈音自然而然者

故誦之致飛天下觀上帝遙唱萬神朝禮三
界侍軒群杖東首鬼精自亡琳琅振響十方

肅清河海靜默山嶽吞煙萬靈振伏招集群
仙天无氣穢地无秋塵道君以十四
實慧洞
清大量玄玄也

拔度幽冥增長智慧了達三洞逍遙上清
皆由此經則知經之度人其功玄而又玄

也

右靈書中篇後序
元始无量度人上品妙經註解卷下

收經

巨誦經已竟向來所出巨身中三五功曹左
右官使者侍香金童傳言玉女玉帝直符直
日香官各三十二人請選金房玉室无今差
五後名復到一如故事精思諸神各運旨
訖然後徐徐出室

度人經註解後序

首元始於始青天寶珠内演說靈寶大法普
度天人命天真皇人釋大梵玉宇付之道君
秘于上館約四萬劫一傳後因龜臺金母即
王母憫陽九百六之變親禮玉京請留下世
及西漢元封年中七月七日王母下降隨順
漢字譯此天篆授之武帝已為第七授然此
纜一品耳在天卷秩甚多及至晉時左官仙
翁於會稽上虞山感太極徐真人來勸所授
即有靈書下篇及太極真人後序其後兵火
經品散落厥後小仙翁葛洪真人於鄭真人
思遠處得所受之文止於大量玄玄也其後

真其付度靈文層出然皆未有天真皇人之演義前輩皆不敢強爲之辭此直解之作所以亦止於大量玄玄也九江冰湖整人薛李昭再述

冰湖薛顯翁參註釋經接引初機邦士蔡翔夫憐其苦志與之綉梓大德乙巳經板告成乃涓子月初四日丙午繕裝經帙灑掃東壇備行進奏

天帝御前告旨頒下十方三界星垣雷府地水泉曲嶽瀆城隍九州社令凡屬神祇及掌經教真司去處咸使知聞以闡空玄越五日庚戌因遊西市偕冰湖謁先天濟生雷壇忽蒙九天神威天柅豁落王元帥善題押證盟現報四十四言曰汝奉道教真何在疑心解經之功無不妙要行道法何在擬議未決凡在一心無不驗也汝作之功皆非虛无只此見者皆爲之驚異乃知冰湖解經之誠已達之帝闈矣功詎可量哉五日前冰湖潔東壇有請于天帝五日後予同謁西壇得報于天將天

將者乃天帝之指使也冰湖無心於天將而天將有心於冰湖得非天將奉

天帝之命以示人乎予觀其事感應速如稗鼓願受經者至心持誦不可視爲常典庶乎一誦一禮必獲異驗是亦予奉奉之望是年是月初十日壬子雷降日廬山羽

楊李月陽謹題至大改元歲在戊申九月一日予宿於先天壇夜夢普濟一炁真人老祖師雷默庵曰先生之名在神霄玉府闡化之功與老

夫相亞今爲青靈開教宗師遷充集仙府使兼大光明殿掌籍仙官天君即日有虛玄篇贈汝言畢遂覺李昭繼後於重九日乃紫皇飛昇之日予因出南關過谷神庵鮑明甫學真壇內忽見香爐中有光感天

君於光中果現此篇賜通玄闡妙青靈開教宗師薛李昭

天與之形道與貌法天法地取成效正己正人誰毀譽事君事父以忠孝跡跡軌軌喜順時孰知君子有變豹一身萬事備三才探頤

索隱明三教會誦老子道德言解以孔子之道較推源釋子寂滅門如露如電如幻泡時

乎出有或入无時乎飛超或騰超皎皎靈臺絕點塵事應物名匪機巧入息出作合天心不目逃兮不膚撓道遙作箇地行仙蛻却塵

萬無開闢顯翁之名仁之稱山水之間心所樂馳神物外何茫然或入黍珠驚夢覺他時丹鳳銜丹詔召歸紫府俾諸同學之士是則是做

此虛玄篇可刊名印所解度人經前以闡諸人鐵筆幸忠義稽首

予末學道淺曾將度人上品生神九章救苦妙經妄意詳釋者不過欲啓發初其入道之門耳初未嘗萌一毫希覬想自疑梓印施之後惴惴度日每以妄爲強作獲謫於雷霆者爲慮豈意天君恕其惜而矜容之褒嘉獎勵靡所不至此虛玄篇迺天君贈予之章也今予刊名印所解度人經前以闡諸人自得此篇于早夜以思兩難明處若行刊印似乎銜名以起或者之議若

不刊印似乎派沒又遠天君之命予再三
繹思浮言之讓尚可逃也遠天之命則吾
豈敢予雖不獲已以所贈之篇刊于卷末
然亦終匪予心之所樂識者鑒之九江冰
湖塾人薛季昭書

勸誦鬱羅蕭臺元始寶誥

无上元始泰未珠中鬱羅蕭臺上有寶誥
九十六字雲裏垂芒雖已按筆於皇人然
未得聞於下世龍漢延康開劫之後天不
愛道晉司馬朝假夢馬冰游神玉清鬱羅
蕭臺金版玉字現出寶誥勉之朝禮億萬
天真十二萬拜所願皆成聽信而行卒如
所欲然則世人誦度人經亦當懸想大羅
玉清稱揚寶誥一十二聲心朝元始一十
二拜然後誦經共結大羅一段好因果時
延祐第三春上元日九江廬山上清大洞
寶籙青靈演教通玄闡妙法師九天金闕
太宰玉府少卿大光明殿掌籙仙官提點
三界鍊度鬼神公事小兆臣薛季昭願翁
坦然子焚香書于雪海心鏡之經壇

誥曰

三界之上梵炁彌羅上極无上天中之天鬱
羅蕭臺玉山上京渺渺金闕森羅淨靈玄元
一炁混沌之先寶珠之中玄之又玄開明三
景化生諸天億萬天真元軌數眾旋斗歷箕
回度五常魏魏大梵萬道之宗大羅玉清虛
元自然至真妙道元始天尊

鬱羅蕭臺寶誥紀元

謹按道藏教典云寶誥出于无上元始度
人經中晉司馬都于建康時有馬冰者功
名不遂一夕暴卒遇一神人引至天上令
仰面一觀見寶臺現虛空中光彩四出有
黃衣道者指示冰曰此鬱羅蕭臺也但禮
億萬天真十二萬拜所願皆成汝雖道心
堅固奈宿業太重父祖未超若禮臺數足
天真加護見世快可致身宰輔身中定入
仙品班中冰舉首一觀乃見玉版金字書
元始寶誥誦誦之三四周默記不忘夢覺之
後即施金造臺禮拜寶誥一十二萬數完
果致榮顯澤及子孫又按神霄錄纂要云

宋徽宗政和三年十月間有旨啓建祝聖
羅天大醮時金門羽客宣和凝神兩殿侍
宸林靈素逸駕來日觀天瑞像次夜仙鶴
盈空天香滿席月明如畫上親見寶臺九
層金牌玉篆鬱羅蕭臺四字在上臺前五
女捧香金童持節天丁環繞帝指示眾仰
觀皆無所覩惟帝與虛靖天師張真人繼
先金門羽客兩殿侍宸林真人靈素太素
大夫凝神殿侍宸王真人文卿左右街道
錄東海徐真人知常等數人得觀嘉祥餘
皆弗見是夜醮散天色如舊天下州郡捧
表稱賀勅降寶臺圖本付各宮觀時王侍
宸真人慨來目之無觀乃慈悲而說與眾
聽汝可洗心投誠懺悔至誠皈向稱揚寶
誥上可祈晴禱雨下可保國寧家為己為
人增福延壽讓災度厄積日累功朝禮數
完展轉開化無不如願眾皆聽信受持跪
禮以謝
小兆臣薛季昭頓首上言臣恭聞
太上言人身難得中土難生假使得生

正法難遇因思耳目聰明男子身乾坤賦
子不為貧可自暴自棄哉故自明經取紫
之願不酬而知白守黑之志彌篤致蒙變
橋雷真人夢授不言之旨玉樞辛天君先
降虛玄之篇乃不自揣昭以使昭集註靈

實度人經之妙義開述度人經中三界脩
進指掌圖說并諸經誥道法分章音註及
解釋金剛華嚴諸佛經義以勸誦誦無非
體古之君子與人為善之心猶未已再
為拈出晉馬泳禮鬱羅一段元始寶誥公
案與道俗持誦度人經者交互勸勉是亦
拔樹尋根析流推源大哉元始可自昧乎
小兆臣薛季昭謹言

謹按靈寶經法

秋一

凡九品陰功及消穰災害并自用祈福度厄
行功存身為

元始天尊坐空浮五色獅子之上居日光中

天地父母

國王及天象可以神誦上丹四千遍為災厄及
他人可以心誦中丹三千遍為一切亡殺幽鬼
可以炁誦下丹四千遍每一存思須得十遍十
遍為一過百遍為十過十言一叩齒以召神
百言一嚙津以和炁錯一字却前三十字以
誦之越一字再覆五十字以誦之誦則下聲
而誦之誦則朗吟以誦聲使音句周竟勿令
勿速苟貪遍數常令神寬悅暢香炁綿綿不
絕於室若以音聲華美急遂遍數亦无靈感
空尸誦經欲飛返沈非徒无益亦招輕誦之
愆玉几仙降筆

混沌未判中存得一之靈大塊既分內抱生
三之寶散而為炁稟則成文彌綸空洞之中
羅絡虛玄之表元網流演立天地之精根萬
範開張布陰陽之血脈五文普植三景齊明

開天三十二重結炁百萬道予以保制劫
運輔贊

皇圖作迴生起死之玄機為入聖超凡之要
妙演三洞皆言有作教一國盡達无為藏靈
寶於身田納黍珠於性地舉一念入大浮黎

二開重樓登鬱羅蕭臺常觀自己之虛皇頓
悟惟心之元始悠悠庶類皆成不死真神養
養羣靈咸曰長生大聖

太上洞玄靈寶无量度人上品經法卷之一
太上三五都功職籙弟子陳梅榮集註

萬聖尊崇眾真欽仰无上可上玄之又玄
洞玄靈寶是品秩之名无量度人即一卷
之目諸經所宗故曰上品功用微妙是為

妙經

教玄章

道言百文

上清玉晨大道君靈寶天尊之言也道君
序經故以道言為首玄師曰凡有道言皆